



## BAB V GATRA BALI

Kompeténsi Dasar	Indikator
3.5 Menganalisis siaran berita berbahasa Bali dari berbagai media cetak, elektronik dan Pewaraan (Presenter Berita)	<b>PERTEMUAN 3</b> 3.5.5 Menegaskan definisi pewaraan 3.5.6 Menata teknik pewaraan (C4)
4.5. Menyunting beritadari media elektronik maupun media cetak	4.5.3 Mengembangkan berita dengan tema tertentu

### PAPLAJAHAN 14 PEWARAAN/ PENYIAR

#### 14.1 Penyiaran (Broadcasting)



Parajanane banget merluang genah utawi media sane prasida kaanggen ngrauhang pabesen, ide, miwah gagasan sane pasang kasobiahang ring anak lian pinaka serana komunikasi. Sang sane magatra pinaka subyek kapertama sane meled ngrauhang pabesen ring sang miragiang gatra (obyek) janten merluang media pinaka serana tranmisi mangda gatrane prasida kapingriang becik .

Siaran utawi *broadcast* madue andil ageng pisan sajeroning transmisi puniki mawastu akeh komunikator; lembaga komunikator, ngangge jasa media penyiaran puniki, komunikator utawi penggagas ide ngirim gatrane punika ring sarana komunikasi sane mrasidayang ngrauhang gatrane ring masyarakat.

Penyiaran (broadcasting) pinaka sarana pemancarluasan siaran utawi sarana transmisi ring darat, laut, miwah ring antariksa sane ngwigunayang spectrum frekwensi radio (siaran radio) marupa gelombang elektromagnetik sanemerambat ring udara, kabel, miwah media sane lianan mangdane prasida kapingriang sinarengan antun parajanane sami.

#### 14.2 Definisi Penyiaran

Manut ring basa (etimologi) penyiaran mateges proses, cara, miwah parilaksana nyobiahang gatra . Terminologi penyiaran manut J.B. Wahyudi (1996) inggih punika:

- ❖ Proses komunikasi suatu titik ke *audiens*, inggih punika proses pengiriman informasi saking produser (profesi) ring masyarakat antuk proses pemancaran elektromagnetik utawi gelombang sane tegehane
- ❖ Penyiaran utawi broadcasting inggih pinika sahananing pakaryan sane ngwetuang siaran radio lan televisi sane ngwigunayang segi ideal, perangkat keras miwah lunak sane ngangge sarana pemancaran utawi transmisi, ring darat miwah ring antariksa antuk gelombang elektromagnetik sane kapancarang mangda prasida katrima antuk masyarakat ring radio miwah televisi
- ❖ Manut Undang-Undang Nomor 32 Tahun 2002 ngartiang penyiaran utawi *broadcasting* punika pinaka parilaksana pamancarluasan siaran maserana antuk pamancaran utawi serana transmisi ring darat, laut, miwah ring antariksa antuk *spectrum frekwensi radio* (sinyal radio) sane marupa gelombang *elektromagnetik* sane merambat ring udara, kabel miwah media lianan sane prasida katrima sinarengan antuk masyarakat antuk serana penerima siaran.

Duaning asapunika penulis prasida ngartiang penyiaran inggih punika proses transmisi informasi utawi pabesen sane madaging ide, gagasan, pemikiran, saking produser, komunikator sane kerauhang ring audiens utawi masyarakat maserana antuk pemancaran utawi transmisi ring darat, laut miwah antariksa antuk *spectrum frekwensi radio* (sinyal radio) sane marupa gelombang elektromagnetik sane kapancarang mangda prasida katrima antuk pesawat radio lan televisi.

### 14.3 Media Penyiaran

Sajeroning purwakaning atur , Ashadi Siregar ngeranjingang media penyiaran (*broadcasting*) inggih punika media televisi lan radio, pinaka serana komunikasi massa sane ngwigunayang spectrum elektronik (frekuensi) sajeroning nglimbakang informasi sane marupa gambar lan suara. Santukan media penyiaran madue genah sane dahat utama ring kahuripan para janane mangkin.

Duaning makalah media puniki kabaos sarana komunikasi massa inggih punika komunikasi sane ngwigunayang media massa modern, marupa surat kabar, radio lan televisi sane gatrane nyane kasiarang ring parajanane. M. Tata Taufik ring sajeroning bukunyanane maasang, komunikasi massa mateges komunikasi sane katujuang ring sakancan parajanane sane tanpa wates. Lian ring punika, manut Charles Atkin sane kakutip olih M. Tata Taufik maasang komunikasi massa pinaka proses komunikasi ring media pantaraning sumber institusional sareng audiens sane maendahan.

Manut ring bebaosan inucap, media dahat kainggilan ring proses komunikasi mawit saking sumber rauh ke audiens sane kabaos pinaka media komunikasi. Sajeroning teori komunikasi, media maguna pinaka kori utawi gerbang (gate keeper) sane mawiguna ngrauhang informasi saking makudang-kudang sumber tur nyaring informasi punika raris kerauhang ring parajanane. Sajeroning komunikasi sane kacihnayanang antuk kawentenan media massa sakadi surat kabar, televisi, sesaringan punika patut setata wenten.

### 14.4 Soroh Media Penyiaran

#### ❖ Surat Kabar

Surat kabar sampun akeh kauningin ring parajanane. Surat kabar puniki silih sinunggil

pinaka piranti perjuangan daweg para pahlawane perang ngrebut kamardikan wangsane saking penjajahe. Surat kabar inggih punika sarana komunikasi marupa media cetak sane wantah ngangge tetulisan utawi sasuratan kemanten, dados ipun gatra sane kawedarang wantah prasida kawacen kemanten.

#### ❖ **Radio**

Radio siaran (broadcasting) sering kabaos pinaka institusi kemasyarakatan sakadi media massa sane sampun kauningin. Radio inggih punika sarana komunikasi visual sane wantah ngwetuang suara kemanten sane kakapikolihan saking frekwensi gelombang elektromagnetik, dados ipun gatra sane kawedarang wantah prasida kapiangan kemanten. Manut sejarah ipun, radio katemuang olih James Maxwell ahli teori ilmu alam mawit saking wangsa Inggris molihang julukan “scientific father of wireless” sane nemuang gelombang elektro magnetis inggih punika gelombang sane kaanggen ring radio lan televisi. Sane kapertama nyobyahang radio lan nyiarang berita ring radio inggih punika Dr. Lee De Forest. Dane taler kacawisan pinaka pelopor radio “the father of radio” duk warsa 1916.

#### ❖ **Televisi**

Televisi inggih punika sarana komunikasi audio visual ngwetuang suara lan gambar sane kakapikolihan saking frekwensi gelombang elektromagnetik, dados ipun gatra sane kawedarang prasida kapiangan utawi katonton. Punika mawinan akeh parajanane ngamanahang media televise sampun peran sumber-sumber pendidikan konvensional lan tradisional. Guru rupaka lan guru pengajian sampun kakalahang kawigunan nyane utamine ring dura negara. Punika mawinan televisi molihang julukan *surrogate parent, substitute teacher*.

### **14.5 Pikenoh Media Penyiaran**

Sakadi sane sering kapiang media siaran madue pikenoh ageng sajeroning kahuripan sosial, politik, ekonomi lan budaya. Sapunika ageng pikenohnyane media punika, nyantos kanikayang pinaka pilar kapat demokratisasi. Media prasida nuntun mangda parajanane prasida maparilaksana manut ring dewek nyane miwah anak lianan. Media penyiaran madue pikenoh sane becik lan kaon majeng ring masyarakat. Puniki manut ring konsep pikenoh media massa kaepah dados tetiga, pertama: ngawetuang peniruan langsung (copy-cut), kekalih: rered kasusilan (desensitisation), lan ketiga: bebas saking tekanan psikis (catharsis).

#### **Ringkesan**

Yéning rerehang ring artos krana erti, gatra, warta, *berita* mawit saking krana pasang pageh saking pengaruh basa sansekerta, saking krana “*Vrit*” sane madué piteges, kahanan “kejadian”, saha yening selesin ring basa Inggris erti, gatra, warta, utawi *berita* punika punika kabaos “*Write*” sane mates nyurat utawi nulis.

Penyiaran inggih punika proses transmisi informasi utawi pabesen sane madaging ide, gagasan, pemikiran, saking produser, komunikator sane kerauhing ring audiens utawi masyarakat masarana antuk pemancaran utawi transmisi ring darat, laut miwah antariksa antuk *spectrum frekwensi radio* (sinyal radio) sane marupa gelombang elektromagnetik sane kapancarang mangda prasida katrima antuk pesawat radio lan televisi.

සාහසරික ක්‍රීඩා

*Cara guwak ngadanin iba.*